

+ Centro di Memoria



Demencia Vascular



Kico ta Demencia Vascular?

Demencia vascular ta e di dos tipo mas frecuente di demencia despues di demencia tipo Alzheimer. E forma aki ta representa un 20% di e casonan mundial di demencia cerca personanan di 60 aña bay ariba. Demencia Vascular ta pasa pa motibo di falta oxigeno pa cierto parti di e cerebro. Algo ta stroba e circulacion di sanger den cierto area di e cerebro, por ehempel un CVA (infarto/stroke) of un TIA (mini-stroke), cu consecuencia cu e cerebro no ta ricibi oxigeno. Prolongacion di e estado aki por resulta den daño cerebral. E stroke/CVA ta causa cu diferente parti(nan) di e cerebro ta muri. Hopi biaha un stroke ta causa sintomanan fisico, dependiendo cua area di e cerebro a wordo afecta. Sinembargo un TIA (stroke chikito) no ta tur ora tin sintomanan visibel. E demencia vascular ta desaroya mas tanto ora e stroke ta afecta e parti robes di e cerebro of ora ta afecta e centro di memoria cual ta e hipocampus.

Factornan di riesgo

Factornan di riesgo pa cu demencia vascular ta:

- P resion halto
- R itmo di curason iregular
- H istoria di strokes
- Un edad avansa
- Colesterol halto
- Huma cigarria
- Sucu halto
- P roblema di curason
- Sobrepeso
- Falta di ehercicio

Un diagnosis trempan ta hopi importante pa asina logra controla e factornan di riesgo y evita un progreso liher di e malesa.

Sintoma

Algun sintoma di demencia vascular:

- P roblema cu memoria.
- Señalnan neurologico manera paralisis.
- Cambio den personalidad.
- Confusion y agitacion.
- D ificultad pa expresa verbalmente / uzo di idioma.

E cambionan den funcionamiento ta relata na e parti den e cerebro caminda tin e daño. Algo hopi tipico ta cu e actitud di e persona por fluctua hopi. Tin dia y tin momento cu e por ta hopi mas mihor y alerta cu otro. Pa motibo cu e demencia ta avansa segun e persona haya mas daño den e cerebro/ stroke no ta posibel pa duna pronostico con liher e malesa aki lo desaroya.

Den colaboracion cu:

Centro di Memoria Aruba

San Pedro Paviljoen
Caya Ing. Lacle #5
Oranjestad, Aruba

Tel.: (297) 597-4342

Fax: (297) 583-7766

E-mail: cdm@arubahospital.com